



## MEMORIA DECLARACIÓN

Artigo 15.2. da Lei 1/2016, do 18 do xaneiro, de transparencia e bo goberno.

### **CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE (XUNTA DE GALICIA) E A DEPUTACIÓN PROVINCIAL DA CORUÑA PARA A ATENCIÓN DE MENORES NO CENTRO RESIDENCIAL "FOGAR INFANTIL EMILIO ROMAY" NA CORUÑA NO ANO 2023**

O director xeral de Familia, Infancia e Dinamización Demográfica,

#### **DECLARA:**

Que esta Dirección Xeral ten previsto formalizar coa DEPUTACIÓN PROVINCIAL DA CORUÑA o instrumento convencional arriba referido por un período de vixencia que abrangue dende a data de inicio de vixencia do convenio ata o 31 de decembro de 2023.

Que o instrumento convencional ten por obxecto:

Establecer o marco de colaboración entre a Consellería de Política Social e Xuventude e a DEPUTACIÓN PROVINCIAL DA CORUÑA para o desenvolvemento na Comunidade Autónoma de Galicia do "Acollemento residencial e/ou en réxime de atención de día de menores en centros de protección da Xunta de Galicia" neste caso nun centro aportado pola Deputación Provincial da Coruña no cal os/as menores reciben atención, a educación e a formación axeitadas e coa finalidade de promover o seu desenvolvemento global normalizador e a súa integración na comunidade; como forma de exercicio da garda, comportando para quen a exerce as obrigas de velar, ter na súa compañía, alimentar, educar e procurar unha formación integral á persoa menor acollida.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Trátase dun recurso a través do cal ambas as dúas partes establecen como obxectivos xerais de atención aos/ás menores, os seguintes:

- Mellorar a situación persoal e socio-familiar dos/as menores procurando, en xeral, a reintegración do/da menor na familia de orixe ou, se non é posible o anterior, nunha familia acollidora. De todos os xeitos procurárase que os internamentos duren o menor





tempo posible, poñendo ambas as dúas partes os medios necesarios, no ámbito das súas competencias, para acadar o dito obxectivo.

- O ingreso dun/dunha menor, aínda que sexa de modo temporal, só se deberá realizar cando se esgoten todas as posibilidades de mantemento do neno/a na súa familia, a través da utilización doutros recursos preventivos como son as axudas económicas, os apoios ás familias, as achegas escolares, etc.
- Os/as menores acollidos/as no centro serán obxecto dun tratamento individualizado por parte do equipo educativo e dun seguimento evolutivo conforme aos criterios de elaboración das diferentes áreas de actuación referidas no proxecto educativo individualizado do/da menor.
- A utilización ao máximo dos recursos que ofrece a sociedade: escolares, de lecer e calquera outro que contribúa a unha maior integración do/da menor nela.

A Deputación Provincial da Coruña, co CIF P-1500000C e rexistrada no Rexistro Único de Entidades Prestadoras de Servizos Sociais co número de identificación E-1335 dispón, entre os seus recursos asistenciais, dun establecemento denominado Fogar Infantil Emilio Romay, sito na rúa Joaquín Planells Riera, nº 33 da Coruña, que cumpre coas previsións do Decreto 329/2005, do 28 de xullo, polo que se regulan os centros de menores e os centros de atención á infancia e conta con permiso de inicio de actividades coa tipoloxía de Centro con Fogares.

Neste centro véñense prestando, mediante convenios formalizados dende o ano 1994 coa Xunta de Galicia, servizos a menores en situación de desamparo ou marxinación que, por diferentes causas sociofamiliares e persoais non poden, aínda que sexa temporalmente, ver cubertas na súa propia familia todas as súas necesidades, tanto materiais coma afectivas, educativas e outras.

Para a execución do convenio a Deputación Provincial da Coruña ofrécelle á Consellería de Política Social e Xuventude, 27 prazas distribuídas en tres módulos ou unidades de convivencia, da forma seguinte:

- Un fogar de acollemento residencial para nenos/as de 0-15 meses.
- Dous fogares de acollemento residencial para menores de 15 meses a 12 anos

Nos diferentes módulos atenderase indistintamente a menores en réxime residencial ou en réxime de atención de día, estimándose inicialmente a necesidade en 20 prazas de acollemento residencial e 7 prazas de acollemento en réxime de atención de día.





Os nenos e nenas con necesidades especiais ocuparán unha ratio de dúas prazas no fogar onde estean adscritos.

Reservaranse dúas prazas, unha no fogar de 0-15 meses e outra nun fogar de 15 meses a 12 anos, para ingresos de urxencia que serán cubertas segundo as instrucións que ao respecto dite a Consellería.

A idade cronolóxica de referencia, ata os quince meses, para o traslado dos bebés dun fogar a outro, poderá prorrogarse tomando en consideración as necesidades dos/as nenos/as, tales como:

- O desenvolvemento evolutivo do neno ou nena, considerando se está preparado para convivir nun grupo de nenos maiores.
- O estadio da súa situación familiar: previsión de baixa inminente ou non.
- A existencia ou non de irmáns noutros fogares.
- A carga asistencial noutros fogares derivada da presenza dun número de nenos pequenos que non favoreza a súa integración.
- Outras circunstancias que se estimen no seu favor.

Por tal motivo e dada a insuficiencia de medios propios expresada anteriormente, xustifica a celebración do presente Convenio de Colaboración, entendendo que a elección do convenio como fórmula negocial entre ambas as dúas Administracións Públicas é a axeitada a dereito ao abeiro do disposto na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, e máis o Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares, feito público por Resolución da Consellería de Economía e Facenda do 8 de abril de 1991.

No proxecto de convenio de colaboración entre a Consellería de Política Social e Xuventude e a Deputación Provincial da Coruña concorren as seguintes circunstancias que xustifican a figura do convenio:

- O convenio é expresión das competencias que cada unha das partes ostentan en materia de protección de menores, existindo un claro interese común na consecución dos obxectivos que se pretenden; así, segundo se recolle na Lei 13/2008, do 3 de decembro, de Servizos Sociais de Galicia, (art. 58º) "as competencias en materia de servizos sociais corresponderanlle á administración da Comunidade Autónoma de Galicia e ás





corporacións locais de Galicia, así como, se é o caso, ás demais entidades públicas previstas no Estatuto de autonomía de Galicia ou establecidas nesta lei”.

- Ambas entidades teñen o carácter de administración territorial, con capacidade plena para o exercicio das súas propias competencias e sen que prevaleza ningunha delas sobre a outra, polo que non resultan aplicables as prerrogativas da administración propias do sistema de contratación pública.
- A Deputación da Coruña é titular dun establecemento, dotado de medios materiais e persoais, autorizado pola Consellería de Política Social e Xuventude, posto que cumpre as condicións que o fan apto para prestar o servizo consistente no acollemento residencial para menores en situación de tutela ou garda pola Xunta de Galicia.

O novo convenio de colaboración terá data de efectos e vixencia dende a data da súa sinatura e ata o 31 de decembro de 2023. O orzamento por todo o período previsto é de 325.904,85 €.

A sinatura deste convenio require de autorización previa do Consello da Xunta e tramítase como anticipado de gastos (artigo 1 apartado 1.2. da orde do 11 de febreiro de 1998 pola que se regula a tramitación anticipada de gastos).

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase en Santiago de Compostela, *(na data da sinatura dixital)*

O director xeral de Familia, Infancia e Dinamización Demográfica  
Jacobo José Rey Sastre

